

## فيديو #٨٠٦ من مقاطع حظر التجول تدبر سورة المدثر #٢

الآيات ٦٢-١١

فاضل سليمان

السلام عليكم ورحمة الله وبركاته. اهلا بحضراتكم في المقطع رقم ستمية وتمانية من مقر قطع حظر التجول والحلقة الثانية من حلقات تدبر سورة المدثر للمرة رقم ستمية وتمانية بطلب من حضراتكم تفتحوا المصاحف - [00:00:01](#)

من فضلك لما اقول اقرأ معي لازم بعينيك تكون بتقرأ معي الآيات اللي هنبدأ بها الليلة في سورة المدثر نزلت في الوليد بن المغيرة وعلى فكرة هو ابو اتنين من الصحابة الاجلاء - [00:00:23](#)

الوليد بن الوليد وخالد بن الوليد ابوهم الوليد ابن المغيرة ده كان اغنى اغنياء قريش على فكرة هو كان عم ابو جهل عمرو بن هشام او هشام ابن ابن المغيرة المخزومي ابوه هشام ابن المغيرة اخو الوليد ابن المغيرة - [00:00:38](#)

والوليد ابن المغيرة كان اكثرا الناس تقافة في قريش واكثراهم بعدها عن المسخرة. يقال انه حرم الخمر في الجاهلية وكان بيمنع اقاربه من شرب الخمر كان في موسم الحج في الجاهلية انت عارفين طبعا كان في حج قبل الاسلام يعني او قبل ظهور النبي صلى الله عليه وسلم لانه العرب كانت ترى نفسها - [00:00:59](#)

اعلى ملة ابراهيم فكان هناك بعض الشعائر من ملة ابراهيم اللي ما زالت موجودة وان كان كان بيشوب هذه الشعائر آآ شيء من الشرك وشركيات كثيرة منها موسم الحج. فكان في موسم الحج يذبح للحجيج عشرة جمال كل يوم - [00:01:26](#)

وحده لمدة اربعين يوم ويطعم الحجاج وكان يكسو الكعبة سنة وقريش تكسوها سنة قريش تكسوها وسنة يكسوها هو وحده تلقيبوا بالوحيد لانه دايما بيعمل اعمال لوحده قد قبيلة كاملة قريش بتعمله يقوم عامله هو لوحده - [00:01:46](#)

لما سمع القرآن اثنى عليه وقال ما هو من كلام الناس ولا من كلام الجن ان له لحلواة. وان عليه لطلاوة. وان اعلاه لمثمر. وان اسفله لمغدق. وانه يعلو وما يعلى عليه - [00:02:13](#)

ومع ذلك لقد كان من اعدى اعداء الاسلام مما يجعل الانسان يتعجب ليه واحد زي ده بأخلاقه ثقافته يعادى الاسلام انسان كريم عاقل مثقف مطلع على ثقافات اخرى كانت القافلة بتاعته لما توصل من بلاد الشام تدخل من جميع ابواب مكة من كثرة الجمال عشان نخلص ما هو هتفضل تخش قد ايه. فمش هيخش - [00:02:31](#)

من باب واحد يخش من جميع ابواب مكة عشان يخشوا مرة واحدة وكانت التجارة بتاعته بتدر عليه ارباح خيالية يعني كانت تقارن ثروته بثروات ملوك في العصر ده الغنى للأسف سبب الترف - [00:03:01](#)

والطرف بيجعل الانسان صعب انه ينقاد لشخص اخر ويبيقى شايف نفسه هو مستحق للقيادة لذلك مش معنى الطرف دايما ان المطرف هيكون اه عايش في الخمرة وفي وفي الرقصات مش بالضرورة يعني. ليس هذا بالضرورة - [00:03:22](#)

لكن الطرف عنده سبب له شيء اخر وعبر عن غضبه من نزول الوحي على سيدنا محمد عليه الصلاة والسلام وقال اينزل على محمد واترك انا؟ ويترك كبير قريش وسيدها؟ ويترك ابومسعود ابن عمرو ابن عمير الثقفي سيد ثقيف - [00:03:41](#)

فنحن عظيم القربيتين اللي هي مكة والطائف انزل الله فيه وقالوا لولا نزل هذا القرآن على رجل من القربيتين عظيم سورة الزخرف لو تفتقروا المهم الوليد مات بعد الهجرة بتلات شهور ما حضرش لاغزوات ولا بدر ولا غيره. ما حضرش حاجة - [00:04:03](#)

وتولى قيادة قريش بعده ابو سفيان ابن حرب لكن زي ما قلنا امبارح ان الوليد نصح قريش انها توحد كل امها عن النبي عليه الصلاة

والسلام. قال لهم موسم الحج قرب - 00:04:29

القبائل العربية ستأتي الى مكة وهيبدأوا يسألوا عن صاحبكم فانصحكم توحدوا كلامكم عشان ما يتقالش اقوال متضاربة ويبقى شكلكم كزابين. وعملوا بران ستور من كلهم وقعدوا وحكينا امبراح انهم عملوا - 00:04:41

عصف ذهني هيختاروا ايه؟ يتهموا به النبي عليه الصلاة والسلام وكلهم يتوحدوا على القول ده. نصحهم ما يقولوش شعر وما يقولوش كاهن ما يقولوش مش مجنون لان العرب تستطيع ان تميز كوييس اوي الثالثة دول - 00:04:56

كلامه مش شعر خالص ولا على اوزان الشعر اللي هو القرآن ولا هو كاهن وسجع الكهان وطريقة الكهان اللي بيعاملوا مع الجن مش طريقته خالص ولا مجنون والعرب تستطيع ان تعرف المجنون كوييس - 00:05:11

وقال ان حتى ساحر مش وصف كوييس ولا دقيق لكن هو الوصف الوحيد اللي ينفع نستخدمه عشان دليلنا انه بيفرق بين الاب وابنه بين الزوج وزوجته وبين الاخ واخوه. نتيجة كده نقول ان هو ساحر - 00:05:24

فدي مشكلة. مشكلته مش انه جاهم. بالعكس هو مسقى جدا مشكلته انه الطرف بيسبب تضخم الانا الایجو بتاعه كان متضخم. وده

اللي خلاه يحارب النبي عليه الصلاة والسلام بالضراوة دي. فربنا توعده في القرآن اقرأ بقى معنـي من الآية حداشر لليـة ستة وعشرين - 00:05:43

دي اللي احنا هنتدبره النهاردة. ربنا بيقول ذرني ومن خلقت وحيدا وجعلت له مالا ممدودا. وبنين شهودا. ومهدت له تمهيدا ثم يطمع ان ازيد كلا انه كان لياتنا عنيدا. سارهقه صعودا. انه فكر وقدر - 00:06:03

قتل كيف قدر ثم قتل كيف قدر ثم نظر ثم عبس وبصر ثم ادبر واستكير فقال ان هذا الا سحر يؤثر ان هذا الا قول البشر ساصلـيه سقر وما ادراك ما سقر - 00:06:31

خلينا نقف هنا النهاردة لكن هو دي الآيات اللي هنتدبرها بقى مع بعض النهاردة كل يوم بيعدى على النبي عليه الصلاة والسلام ويتزيد العداوة بتاعـة قريش خلي بالك احنا بنقول السورة دي نزلت امـتى - 00:06:55

الاول خالص دي من اول اربع صور نازلين. فالنبي عليه الصلاة والسلام لسة مش فاهم ليه ربنا قال له في اول السورة ولربك فاصبر. يعني فاصبر على ايه اصبر على ايه؟ فكل يوم بقى بيعدى و بتتضح العداوة و بتزيد العداوة عـمال يتضح النبي عليه الصلاة والسلام ليه ربنا قال له ولربك فاصبر - 00:07:07

وفي صورة المزمل. نفس الكلام قبلها على طول. نازل له واصبر على ما يقولون واهجرهم هجرا جميـلا النبي عليه الصلاة والسلام اول ما نزل عليه الوحي ما كانش يعرف انه سيؤذـى - 00:07:28

السيدة خديجة اخذته لابن عمها الاريـوسي النصـارـاني الموـحـد ورقة ابن نوـفـل فورقة قال له ليـتنـي اكون حـيـا حـينـ يـخـرـجـكـ قـوـمـكـ قال رسول الله صـلـى الله عـلـيـه وـسـلـمـ اوـمـخـرـجـيـهـمـ قالـ وـرـقـةـ نـعـمـ لـمـ يـأـتـ رـجـلـ قـطـ بـمـ جـتـ بـهـ الاـ عـوـدـ. النبي لـسـةـ ماـ يـعـرـفـ اـيـهـ الليـ يـحـصـلـ لـهـ - 00:07:46

وقال له وان يدركـي يومـكـ اـنـصـرـكـ نـصـرـاـ فـالـنـبـيـ عـلـيـهـ الصـلـاـةـ وـالـسـلـاـمـ لـمـ يـكـنـ مـدـرـكـ لـحـجـمـ العـداـوةـ الليـ هـيـوـاجـهـهاـ. وكلـ ماـ زـادـتـ عـداـوـتـهـمـ كـلـ ماـ اـدـرـكـ لـيـهـ ربـنـاـ قـالـ لـهـ سـيـبـهـمـ لـيـ - 00:08:11

وذرـنيـ شـوـفـواـ سـوـرـةـ المـزـمـلـ ربـنـاـ قـالـ لـهـ اـيـهـ وـذـرـنيـ وـالـمـكـذـبـيـنـ اـوـلـيـ النـعـمـةـ. وـمـهـلـهـمـ قـلـيـلاـ. سـيـبـهـمـ لـيـ اـنـتـ اـصـبـرـ وـسـيـبـهـمـ لـيـ. وـهـنـاـ فيـ صـورـةـ المـدـثـرـ قـالـ لـهـ بـرـضـوـ ذـرـنيـ. ذـرـنيـ وـمـنـ خـلـقـتـهـ وـحـيدـاـ. سـبـنـيـ بـقـىـ معـ الـلـيـ اـنـاـ خـلـقـتـهـ - 00:08:28

متفرد لـدـرـجـةـ انـ النـاسـ سـمـتـهـ الـوـحـيدـ بـنـعـمـةـ ربـنـاـ هوـ اـصـبـحـ وـحـيدـ. الـوـحـيدـ الـلـيـ بـيـكـسـوـ الـكـعـبـةـ لـوـحـدـهـ. الـوـحـيدـ الـلـيـ بـيـطـعـمـ الـحـجـيجـ لـوـحـدـهـ. ديـ نـعـمـةـ ربـنـاـ عـلـيـهـ وـبـعـدـيـنـ خـلـيـ بالـكـ بـرـضـوـ لـمـ ربـنـاـ قـالـ فيـ المـزـمـلـ وـذـرـنيـ وـالـمـكـذـبـيـنـ اـوـلـيـ النـعـمـةـ. ماـ تـنـطـبـقـ عـلـيـهـ تـنـامـاـ. هيـ نـعـمـةـ ربـنـاـ الـلـيـ عـلـيـهـ دـيـ الـلـيـ هوـ بـيـرـفـوـ - 00:08:49

فيـهاـ لـكـ اـيـضاـ وـحـيدـ تـنـطـبـقـ عـلـىـ كـلـ اـنـسـانـ خـلـيـ بالـكـ بـقـىـ الـاـيـاتـ دـيـ صـحـيـحـ انـهاـ نـازـلـةـ فـيـ الـوـلـيدـ اـبـنـ الـمـغـيـرـةـ لـكـ الـعـبـرـةـ بـعـمـومـ الـلـفـظـ وـلـيـسـ بـخـصـوصـ السـبـبـ اـيـوـةـ هـيـ نـازـلـةـ بـسـبـبـ الـوـلـيدـ اـبـنـ الـمـغـيـرـةـ. لـكـ الـلـفـزـ عـامـ يـشـمـلـ كـلـ اـنـسـانـ ذـرـنيـ وـمـنـ خـلـقـتـ وـحـيدـاـ - 00:09:12

كل انسان في الدنيا دي وحده الله هو اللي سخر له اب وسخر له ام وسخر له زروف ينمو فيها ويكبر ويتعلم. لكن لما تنظر لكل الناس اللي بتساعدك وبتقف معك. ولهن فضل عليك. ستجد ستجد انه - 00:09:35

كالم بحاجة الى الله وفي اي لحظة ممكن يختفوا من حياتك زي ما ظهروا في حياتك الانسان في الحقيقة وحيد ليس له الا الله احذري ومن خلقت وحيدا وجعلت له مالا ممدودا - 00:09:52

ربنا بيرزقه بمال بيزيدي باستمرار. ممدودة يعني بيهد بمدد زي اللي عنده مسلا دخله من ايجارات بيلمها اول كل شهر بيعتبر المال بياطيه بصفة دورية. مش نتيجة صفقة بيع او صفقة شرا تحصل مرة او مرتين لأ - 00:10:14

بالتالي المال الممدود ده اللي هو بيجي بشكل دوري عنده واحد عنده تدفقات مالية كشف له باستمرار ده بيكون مريح للانسان دي نعمة ان الواحد يقدر يتوقع هو جاي له كم السنة الجاية - 00:10:30

فيبدأ يحط خطة ينمي بها استثماراته. خطة حتى لحياته يعيش بها مستريح. لأن فيه عملية امداد مستمرة واموال هو متوقع قيمته قد ايه وامتنى تجيئه فدي نعمة في حد ذاتها - 00:10:44

ومش هيفهم النعمة دي الا اصحاب الاستثمارات اللي توقفت نتيجة فيروس كورونا ووجدوا عليهم التزامات ضخمة ما كانوش عارفين يسدوها. لما التدفقات المالية بتاعتهم وقفت فجأة فالمال في حد ذاته نعمة - 00:10:58

انه بيخلص. كون ان المال ممدود فدي نعمة اخرى مين بقى اللي رزقه بهذه النعمة؟ المال الممدود؟ الله سبحانه وتعالى احذري ومن خلقت وحيدا وجعلت له مالا ممدودا وبنين شهودا. ربنا رزقه ببنين عشر ولاد - 00:11:12

اعرف ناس عندهم ولاد بس مهاجرين ايه اللي في كندا وبيشوفه مرة في السنة واللي في استراليا بيشوفه مرة كل سنتين لكن الوليد ابن المغيرة كان ولاده معه وبنين شهودا. بيشهدوا المجالس اللي بيعمل فيها. بيتباهى بهم. بيتونس بوجودهم. فكونه عنده اولاد - 00:11:34

دي نعمة وكمان شهود معه مش مسافرين ولا مهاجرين دي نعمة تانية النعم اللي ربنا انعم بها عليها كلها كانت نعم مركبة مال وممدود. بنين وكمان شهود اسمع معي اربعناشر وخمسناشر - 00:11:53

ومهدت له تمهيدا ثم يطمع ان ازيد ربنا مهد له الامور في حياته التمهيد مستمد من كلمة المهد. مهد هو فراش الطفل الصغير البببي الصغير ده لانه ما يقدرش يتحرك - 00:12:12

البيببي الصغير ده ما يقدرش يزيح حاجة مضايقاه تحت ضهره فلازم امه قبل ما ينام تمشي باليدها على الفراش بتاعه تمهد. تتأكد ان ما فيش حاجة هتضيقه وهو نايم. ان شاء الله تكون حتى الكرمша - 00:12:34

بتاعة مرأة السرير. ده الطفل الصغير ما بيعرفش يبقى مش هينطق. مش هيعرف يعبر ان حاجة مضايقية يفضل يبكي انت بتفرد له كل حاجة اسمها التمهيد. فيبسمى مهد. ربنا مهد للانسان. مش بس الوليد - 00:12:48

خاصة الانسان الغني ربنا مهد له تماما وخلال يتمرغ في النعم لغاية ما اصبح غني ثم يطمع ان ازيد ولسه طبعا في الزيادة ما بيسبعش من المال ولا من العيال والقوة البشرية اللي عنده والنعم يريد المزيد دايما بدون ما يفكر هو يستحق النعم اصلا ولا اولا - 00:13:04

اقرا ستاشر كلا انه كان لاياتنا عنيدا لأن طبعا ربنا لن يزيدوا من النعم ليه ؟ انه كان لاياتنا عنيدا التعبير ده فيه كم من المعاني مش معقوله وتأملتوه! جميل جدا - 00:13:27

ليه ربنا ما قالش كلا انه كان عنيدا و قال كلا انه كان لاياتنا عنيدة. يعني كلمة لاياتنا دي لو اتشالت يعني كان هيجرى حاجة يعني لو الاية كانت كده ثم يطمع ان ازيد. كلا انه كان عنيدا. اه طب ما هي ماشية برضوا هي - 00:13:44

كلمة لاياتنا اضافت معنيين في متنها الدقة في متنها الدقة هسألكم سؤال هل الوليد ابن المغيرة كان عنيدا ولا ام تقولوا ايه؟ اكتبوا في التعليقات الناس اللي عندها تعليقات تكتب - 00:14:07

كان عنيدا ام لم يكن عنيدا طبعا كان عنيدا ربنا قال انه كان لاياتنا عنيدا. ايه رأيكم بقى هو ما كانش عنيد خالص كاين انسان عاقل جدا مثقف جدا موضوعي جدا وبيقعد مع رجال قريش وبيفكروا وبيعملوا عصف ذهني وبيختاروا ايه التهمة اللي

يلصقوها بالنبي عليه الصلاة والسلام - 00:14:23

وعرض من ضمن اللي اتعرض الاتهام بالسحر في اول الامر وقال لهم احنا عارفين ان هو مش ساحر وطريقته لا تشبه السحرة وهتضحكه علينا القبائل العربية لو قلنا كده وبعدين تراجع في كلامه. وقال خلاص ما دام ما فيش هي غير التهمة دي اللي نقدر نلصقها به. لأن الباقيين ابعد كمان. لا شك - 00:14:46

ولا كاهن ولا مجنون. خلاص نتنازل شوية ونقول عليه ساحر الله هتقولي انت كده بتتكر نص الاية هقول لك الاية ما بتقولش انه كان عنيد. ركز الاية بتقول ايه؟ انه كان لاياتنا عنيدة - 00:15:06

الاية حديد كان عنيد لایات ربنا فقط وبقول فقط ليه؟ لأن اياتنا قدمت هي اصلها يعني لو كان عنيد بطبعه كان ممكن تبقى انه كان عنيدا لایاتنا ممكن يبقى عنيد لحاجات تانية. زي ما اقول مسلا ليه بنقول اياك نعبد؟ ما بنقولش نعبدك - 00:15:24

احنا نعبدك يعني ممكن اعبد معك حاجات تانية. لكن اياك التقديم ده يفيد التخصيص. الاختصاص. هنا بقى انه كان لایاتنا عنيدة. يعني الرجال ما كانش عنيد الا لایات ربنا شفت لایاتنا دي عملت ايه؟ اسمع بقى كمان - 00:15:45

هو كان عنيد لایه؟ لایات يعني ايات يعني علامات واضحات يا نهار ابيض! يعني الحاجة اللي ما يتعندهش معها اصلا كان بيعند معها. يا ابن اللزينة! يعني انت - 00:16:02

ما يتعندهش ومع ذلك عند شديد ضد علامات واضحات وبس دي الحاجة الوحيدة اللي اتعلمت فيها في حياتك؟ ايات ربنا اسمع بقى سارهقه صعودا الصراحة لازم يطلع عينه يعني بعد كل ده لازم يطلع عينه - 00:16:16

ربنا قال ايه؟ سارهقه صعودا الصعود يعني العقبة الصعبة في طريق السفر ممكن تقابل ناس بتحب تاخد طريق مختصر بقيت تقوم تنفت كده من من طرق مختصرة بس فيها عقبات - 00:16:33

يعني وهم ماشيين الطريق مش مهم. فممكن يجي لهم عقبة كؤود عقبة صعبة جدا صعودة يعني صخرة ضخمة في وسط طريق سداه. فلو واحد بيعبّر ومه خيول او جمال مستحيل مش هيعرف. دي اسمها العقبة الشديدة دي اسمها الصعود - 00:16:50

ربنا بيقول سارهقه صعودا. ده بعد ايه بعد ما كان ومهدت له تمهيدا نمهد له في الدنيا. لكن عشان اللي عمله ده وعنده في ايات ربنا ربنا قال سارهقه سعودا - 00:17:08

دلوقي بقى ربنا بيتوعدوا ان خلاص التسهيلات والتيسيرات بتاعة ربنا كل ده هيتسحب منك. كل النعم والتيسيرات والتمهيد اللي شافه في الدنيا هيطلع على جنته في النار. عارفين ليه اقرا معي من الاية تمنتاشر - 00:17:28

انه فكر وقدر وقتل كيف قدر ثم قتل كيف قدر ثم نظر ثم عبس وبصر ثم ادبر واستكبر فقال هذا الا سحر يؤثر ان هذا الا قول البشر ساصليه سقر - 00:17:43

البيه فكر استخدم عقله انه فكر وقدر يستخدم عقله وفكّر وعمل عصف ذهني انه فكر فكر لغاية ما وصل لتقدير معين. ايه هو بقى؟ وقدر. خلاص وصل لقرار فقتل كيف قدر؟ ثم قتل؟ كيف قدر؟ يعني ايه قتل - 00:18:04

قتل تعبير يقال عند التعجب من حسن الحال. تصوروا؟ واحد مسلا عمل حاجة حلوة او فيقولوا له قتل. يعني ايه ده؟ زي انت عارف لما واحد مسلا لعيب كورة يجيب جون جامد او في اخر سانية في المباراة - 00:18:30

غير النتيجة من التعادل الى مكسب في اخر سانية. تلاقي الناس بتاعة الفريق الناس اللي بيشجعوه واللي مبسوطين اللي سعداء يقولوا ايه؟ يخرب بيته عمل كده ازاي اللي هم بيبدعوا عليه قاموا يقولوا يخرب بيته ولا يخرب عقله - 00:18:48

جاب جون! الله هم بيبدعوا عليه ليه؟ هم مش بيبدعوا عليه دي طريقة في الشناه على الناس كانك بتقول الرجال ده بيعمل حاجات حلوة او في لدرجة انه يتحسد. فاحنا بنحسده اهو - 00:19:04

العرب كانت تقول ثكلته امه كيف فعل هذا وممكن تقول قاتله الله كيف فعل هذا لما جه الاسلام لأ بلاش قاتله الله دي خليها قتل ثم قتل كيف فعل هذا. فالاية بتتهم على الوليد. يعني هو قعد يفك ويفك - 00:19:21

وفي الاخر تفكيره وصله لايه؟ في منتهى الغباء انه يسخر من القرآن ويستهزأ بالرسول عليه الصلاة والسلام ويقول عليه ساحر. فقتل

كيف قدر ياد انت شاطر اوبي. ثم قتل تاني كيف - 00:19:40

فقدر فكر وقعد يفكر كوييس وبعدين قدر ايه بقى ؟ طلع بقرار في منتهى الغباء منتهى الخطأ القرآن بيتهكم عليه وبيقول فقتل كيف قدر شاطر قوي تتحسد يا اخويا. فقتل. ازاي عرف يقدر التقدير الخطأ ده - 00:19:54

ثم تأكيد على التهكم عليه. ثم قتل كيف قدر يعني يتحسد على زكاوه ثم القرآن شرح لك بقى هو عمل ايه بعد ما فكر وقدر قال لك ايه خلي بالك ان فقتل كيف قدر ثم قتل كيف قدر؟ جملة اعتراضية. هدفها الاستهزاء من طريقة تفكيره. فهي جاية بين 00:20:13 -

انه فكر وقدر اللي هي الاية تمنتasher وبين الايات من واحد وعشرين ثم نظر. يعني هي اصلها انه فكر وقدر ثم نظر ثم عبس وبشر. دي اصلها. لكن قتل كيف قدر ثم قتل ؟ كيف قدر؟ جت جملة اعتراضية للتهكم عليه - 00:20:38

ناخد بقى الايات ايه آآ واحد وعشرين انه هي اصلها. انه فكر وقدر. فقتل كيف قدر. ثم قتل كيف قدر. ثم نظر ثم عبس وبصر ثم ادبر واستكبر فقال ان هذا الا سحر يؤثر ان هذا الا قول البشر ساصلية - 00:21:00

يعني يعني ايه نظر؟ نظر نظر في وجوه الناس واستشارهم او نظر فيما سمعه في القرآن. يعني النظر هنا معناه التفكير. يقول لك ايه؟ سنتظر في الامر. يعني هنفكربعمق وناخد بقرار - 00:21:30

النظر هنا تفكير اكتر من من بص ان هو وبص يعنيه يعني وبعد ما نظر في الامر وفكرب ثم عبس وبسر يعني يعني آآ قطب كده عن جبينه عبس يعني كشر كده انه مش لاقي حاجة يقولها. مش لاقي رأيه كوييس. احسن حاجة عنده اللي هي ساحر الناس مش هتصدقها - 00:21:45

وبعد ما عبس بصر. يعني تحول من العبوس والتكميرة الى الكلاحة بسبب خيبة الامل بشر انه مش لاقي تهمة عدلة يلصقها بالنبي عليه الصلاة والسلام. عشان الناس تصدقها. وبعدين ثم ادبر واستكبر - 00:22:12

ثم ادبر واستكبر يعني يعني بعد ما القرآن هزمه وما عرفش يوصفه بشيء شيء بدل ما يقبل على ربنا بقى ويعرف انه خلاص ما يقرش يعمل حاجة. ويقبل على القرآن لأ اي بر - 00:22:28

اعطى ظهره للقرآن وبسبب الادبار ايه الاستكبار ثم ادبر واستكبر. ازاي يتبع الرسول مش غني بقى معقول الواحد يتركني انا كبير قريش في مكة وحبيبي ابن عمرو ابن عمير الثقفي - 00:22:47

قبيلة سقيف في الطائف وينزل على محمد ثم ادبر واستكبر. الليجو بتاعه هو اللي وداه في داهية. استكبار انه يكون تابع لازم يبقى قائد باستمرار غير كده ما يقبلش سبحان الله! بعد سنوات - 00:23:05

مین اللي في عز مجده وبعد ما حقق عشرات الانتصارات على الروم والفرس تم عزله من قيادة الجيش من قائد الى جندي ولم يستكبار ونزلت رتبته من قائد الجيوش الى جندي - 00:23:21

ابنه خالد ابن الوليد انصاع للاوامر ولم يستكبار الابن طلع عكس ابوه بالزبط. رضي الله عنه وارضاه خلينا في الوريد دلوقي. فقال ان هذا الا سحر يؤثر. ان هذا الا قول البشر - 00:23:39

قال انه توصل خلاص لان القرآن ليس كلام الله بل كلام البشر وانه نوع من انواع السحر وفيه سحر عملي وسحر قولي هو قال لك القرآن سحر قولي سحر يؤثر يعني يعني سحر يفرق بين الناس وهو سحر في القول فقط - 00:23:59

ربنا يتوعدوا ساصلية سقر صقر اسم من اسماء جهنم وقيل صقر هي الدرك من دركات جهنم. قالوا هي الدرك السادسة اشمعنى عشان جهنم سبع درجات الاخيرة محجوزة. ما بيخشهاش كفار. دي لمين - 00:24:17

ان المنافقين في الدرك الاسفل من النار اسوأ انواع العذاب لناس من المجتمع المسلم الطابور الخامس اللي بيطعن في الاسلام دون ان يعلن عن كفره الدرك الاسفل محجوز للناس دول. فالوليد ابن المغيرة عمره ما اتحسب على انه مسلم. وبالتالي اقصى حاجة يقدر يوصل لها الدرجة السادسة - 00:24:43

اللي هي سقر وده مش نويد ابن غير بس في كل عصر للاغنياء المترفين الاقوياء الذين يكفرون علينا ويسخرون من القرآن ويطعنون

في الاسلام. نتوقف هنا الليلة ونكمel غدا باذن الله. ان شاء الله بكرة ان شاء الله نحاول - [00:25:10](#)

ان احنا آن ختم سورة المدثر اللهم انا نسألك حبك وحب كل عمل يقربنا الى حبك اللهم ما رزقتنا ما نحب فاجعله قوة لنا فيما تحب. وما زويت عنا مما نحب. فاجعله فراغا لنا فيما تحب - [00:25:34](#)

اللهم اجعل حبك احب اليها من اهلينا واموالنا ومن الماء البارد على الظماً اللهم حبنا اليك والى ملائكتك وانبيائك ورسلك وعبادك الصالحين واجعلنا من يحبك ويحبك وملائكتك وانبيائك ورسلك وعبادك الصالحين. اللهم احيي قلوبنا بحبك. واجعلنا لك كما تحب.

اللهم - [00:25:55](#)

اجعلنا نحبك بكل قلوبنا ونرضيك بكل اجسادنا. اللهم اجعل حبنا كله في مرضاك اللهم اجعل القرآن الكريم ربنا ونور صدورنا وجلاء احزاننا وذهاب همومنا وغمومنا وغفرتنا - [00:26:24](#)

وذنوبنا. اسأل الله العلي العظيم ان يجعل هذا التدبر في ميزان حسناتي. وحسناتكم جميعا اللهم فاطر السماوات والارض عالم الغيب والشهادة. انت تحكم بين عبادك فيما كانوا فيه يختلفون. فبحق كل حرف في كتابه - [00:26:44](#)

تلوناه او تدبرناه. اكفنا واهلينا واخواننا واخواتنا شر كل ما يكيد لنا ولهم. واحفظنا واياهم من شرورهم ونجعل اللهم في نحورهم فانت الوكيل ولا حول ولا قوة الا بك. اللهم بحق كل حرف في كتابك تلوناه او تدبرناه. ايد بنصرك - [00:27:03](#)

والمرابطين في الارض المباركة فلسطين. وكن مع اخواننا في تركستان الشرقية وفي الشام وفي كشمير وفي الهند. وانصر كل من نصرهم واخذل كل من وطهر المسجد الاقصى من الدنس فانهم لا يعجزونك. اللهم من قضى منا بالوباء المنتشر فاكتبها له شهادة. ومن كان منا او من - [00:27:23](#)

احبابنا او من اخواننا او من اخواتنا او من مشايخنا او من علمائنا مريضا به او حاملا له فالبسه ثوب الصحة والعافية عاجلا غير اجل ومن لم يصب به فقه شره وابعده عنه ولا تسلطه الا على اعدائك واعداء دينك واعداء اوليائك. اللهم انك تعلم - [00:27:43](#)

ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على دعوتك. وتعاهدت على نصرة شريعتك. فوثق اللهم رابطتها وادم ودها واهدها سبلها. واملاها بنورك الذي لا يخبو. واشرح صدورها بفيض - [00:28:03](#)

ايمني بك وجميل التوكل عليك واحيها يا ربنا بمعرفتك. وامتها يا مولانا على الشهادة في سبيلك انك نعم المولى ونعم النصير والسلام عليكم ورحمة الله وبركاته. ونراكم غدا باذن الله في نفس هذا الموعد ان كنا من اهل الدنيا - [00:28:23](#)